

Tanaapitepa Kalaabha akkawoosi k'ark'ara



Level 4/8

Second Edition

This booklet is a product of SIL Segen MLE Project, which is a joint project between: SNNPR Education Bureau and SIL Ethiopia, P. O. Box 313 Ayer Tena, Addis Ababa

Title: Tanaapitepa Kalaabha akkawoosi k'ark'ara

English title: Tanapite and Kalaba help their grand father

Language: Pako Qalatte

Type of book: Supplementary Reading Material Year of

Publication: 2020(2013 E.C)

Writers: Asfaw Alemu G/Mariyam and Sanata San

Editor: Hizikel Genola and Tagesu Tegenu

Illustrations: SIL Ethiopia/ Senayit Worku

Copyrighted by: SIL Ethiopia Number of Copies:

Financed by: Wycliffe Norway

Copyright 2019, SIL Ethiopia under creative commons BY-NC-SA license 4.0. You may not use this work for commercial purposes. You may adapt and add to this work, but you may distribute the resulting work only under same or similar license to this one. You must copyright and credits for authors, illustrators, etc.

Kasqinkadhdhissa hakala qaghaasi
pareema holasa.

1. Tanaapitepa Kalaabha akkawo
huusundhunu mikkodhe?
2. Tanaapitepa Kalaabha
mo'oonukki akkawo kapeema
ye kishshaqonk?
3. Hunekki koro Tanaapite
kulanna akkawo haahundhinu
mo'o mo'o konte?
4. Hune akkawwe haahundhiisi
ak'ark'arankuy? Mo'o maallay?

Wycliffe



ኢትዮጵያ



Tanaapitepa Kalaabha akkawoosi k'ark'ara

.

Pako Qalatte
Ethiopia

Paappokka akkawossi hattay
akimeema toolasoppa akimasuy.
Akkawossi aqaakittanna hoxeesa
maallay isundhe uuma
i hxasoodhe.

Paappo inna iyya “Kaasse kala
nu qafte lihasa.”

Tanaapitepa Kalaabhakka kaasse
kaleema nu qafte lihasonki.

Akkawossikka kaasse kala
qakadhuy.

Isokka “Into hunena kittatte
yaxa mat’aafana torritte xeet’a
yennappapna?” na payu.



Tanaapitepa Kalaabha dhelle
ahxke to’akkatte.

Huusundhina manneete akkawo
qagha.

Akkawussakka qhooti uuma
keeshuyi maallay ehxhxe yenu
xayto hi’e.

Hussa mallay qaftekka gharsadhe
yealkasi.

Tanaapitepa Kalaabha
kuyyankoomaissinnu qafte
gharisa.

Kuyyanko tookko igharisana
Kalaabha iyya “Xaytuusi
nu’oohnima i xarkkishami.”


Tanaapitekka “Ee pare anokka
kulay hasa andhihadhi” payiy.
Isundhekka qaftessi illetay xato
pileema nu’oohonki.

Akkawossi okayina dhappipa
xayto heneqqeema qakkadhuy.



Tanaapitepa Kalaabhakka uuma
hxasoodhonkippaqhawho bhahxi
muloosi kaanase paayyonki.
Hatupettay toorppa laankana
akkawossi na udhamuy.
Isundhekka uuma asanonkippo
qakkadhonki issi dhdhahxhxa.
Paappo inna iyya “Olo asanima
anashshina akimasapa dhinuyye.”

Akkawokka yiitossi yi'ana kala shighuy. Tanaapitepa Kalaabhakka kishshaqako isundhe kontisuppa ghinteema lighonki kishshaqonki. Akkawokka “Ayyekaanaste maallay Waako hune ehxhxe pula” na payuppa nusakoy. Ahxkattekka “Dhellinnu mat'aafadhdhe nuxorighapa innapape ehxhxkka inna pulame” na payuy. Ahxkekka mat'aafadhdhe dhelle takkumana nu xorighonkippa nappapadhe paayonki.




Qakkadhina dhoonadhipa,
“Dhellunka! qafte taayyu aha?”
payuppa na kassadhuy.
Isundhekka “Akkawo! qafte
kulay xayto pileema anho'ohni”
napayonki.
Isokka “Waako hunessaki xayto
heyne hune hxafasoy” napayuy.

Holuppa na payuy “Into okayapa
ye hi’aasankuy.”

Tanaapitepa Kalaabhakka
akkawossinna xarghho
naghaponkippa naama
qakkateesonki.

Isokka yaaye tuusundhina
“Kuyyu olho yelaxeet’a
iyye kodheyeye ukaaxe nu ghaqa.”
na payuy.

Yaaye tuusundhikka ukaaxitte
izzex izzex ille kito nu ghaqi.
Yaaye ukaaxe ghaqana isundhe
hxasoodheppa issi sosorradhdha.



Yaayekka ukaaxessi awshashippa
nu teexi.

Isudhekka hxasottay yi’onkippa
dhalaxonki.

Yaaye tuusundhikka na payi
“Ashshindha akkawonu yiito
teexankuy.”

Isundhekka “Ee” payonkippa
akkawossinnu yiito teexonki.